

храму святителя Христова Николая, установка отъ канона—гривна попу, охочий мужъ такъ же изхочеть богомоліе справляти, цена шаги три попу; хату святити—шаги три; венца изъ своей парафии—полкопи; похорону великого—гривна попу и остатний за душу старого—гривна, а малого похорону—пять чеховъ и остатний такъже; дѣтей христити—шагъ, молитву дать за младенца—шагъ, а за дѣвку—чехъ.

*Съ подлинника.*

120.

*Жалоба Демяна Скорупы гетману Скоропадскому на Петра Корецкаго, за самовольное занятіе мѣста на рѣкѣ Милушѣ, назначеннаго для устройства мельницы и поселенія слободки. 1713 г., май.*

Ясневелможный мѣшвыи пане гетмане, мой преилюстивѣйшыи пане и добродѣю.

В прошломъ року на веснѣ, старинными людьми заведенный я будучи, учинилемъ оглядъ мѣстца на занате греблѣ на рѣчцѣ Милуши, у пustomъ лѣсу, никому не пенномъ, и не заведенномъ, именуемомъ Покословскомъ борку, толко для самихъ волныхъ дровъ; и заразы тогожь року, на веснѣ, зъ людьми зѣхавши на тое мѣстце, забылемъ тамъ свой крижь (:чому многіе околичніе тамошніе люде свѣдоми и теперъ тое зовнають:) и отложилемъ былъ поволного часу, прошеніемъ своимъ молити ясневелможность вашу, на тое мѣстце для заната греблѣ о позволене, лечъ уставичніе докуки станціями в двори нашомъ Великороссийскихъ людей, стали мнѣ в томъ перепоною; а панъ Корецкий будучи тутъ въ Глуховѣ уже по преображеніи Господнемъ, не на тое мое углаженное мѣстце, лечъ на другое на тойже рѣчцѣ будучое, виправиль у ясневелможности вашей позволительный унѣверсалъ, и тогда дочувшися онъ о займишу нашомъ на той же рѣчцѣ у версѣ будучомъ, не вѣдаю чинимъ заводомъ и за якимъ позволенемъ, прибывши на мою займу, забылъ свой крижь у-осѣнь; где о его условномъ занятю зачувши я, же онъ заразы своихъ грабаровъ посилавъ тамъ копати замокъ, передомъ зъ своими грабарями тамъ прибылемъ и свой крижь давно забытый заразы по его занятю знайшолемъ въ рѣчцѣ подрубаный и викиненый; тогда перекопавши я тамъ замокъ, не починалемъ уже болшь до волѣ ясневелможности вашей ничего чинити; а панъ Корецкий того жъ часу тамъ прибывши з своими грабарями, которому любо до ласки и милости ясневелможности вашей ручилемъ тисачу таларей, жебы тамъ не починавъ ничего робыти; и его мил. добродѣи панъ писарь енералный миркуючи мене зъ нимъ на злагоду и бороначи, дабы тамъ до росправи ничего болшь не робыль, пи-

саль до его свой поважный листъ; однако онъ заруку тую за нищо мѣючи и листъ его мил. мало важачи, упорчивостью самоволне казалъ своимъ грабарамъ нашъ выкопанный замокъ висипати. Теды и хотячи лагодне въ нимъ поприятелску обыйтися, до тихъ часъ не уприкраемся ясневелможности вашей з жалобливою супилѣкою своею; а теперъ видячи его безправность и самоволство, же безъ позволеня велможности вашей цѣле насъ отъ первой нашої заими отпираеть, падши жалобливе у стопи ногъ ясневелможности вашей всенадежнѣйшого добродѣя моего, з такового п. Корецкого самоволного поступку, прошу святой справедливости и разсмотрения, а мнѣ по милости своей панской на томъ мѣстцу поважнымъ своимъ рейментарскимъ унѣверсаломъ позволить по давной моей займѣ, занати греблю и построити млинокъ, также сколко человекъ для помочи млинка въ томъ же Повословскомъ барку, безъ шкоди людской, смиренно прошу ясневелможности вашей, позволить посадить и фугторъ построити, а до его п. Корецкого повелителный свой панский дати указъ, жебы в занатю на томъ мѣстцу греблѣ большъ не чинилъ мнѣ перепони, и не интересовался, за якову милость и респектъ ясневелможности вашей синѣ мои по вся часи при ясневелможности вашей служити долженствуетъ. Ясневелможности вашей премилостивѣйшого добродѣя моего вайнижайший слуга и подножокъ Демянъ Григоревичъ. (Подано въ Глуховѣ, въ маѣ, року 1713).

*Съ подлинника.*

---

121.

*Универсалъ гетмана Скоропадскаго Демьяну Скорупъ, на поселеніе слободки на рѣчцѣ Милушѣ. 1713 г., 13 мая.*

Пресвѣтлѣйшаго и держ. вел. государя — — — — — гетманъ Іоанъ Скоропадскій.

Пану полковниковѣ войска его жъ царскаго пресвѣтлого величества Запорожскаго Стародубовскому з старшиною его полковою, а особливе майстратовымъ Стародубовскимъ же и всѣмъ, кому бы колвекъ о томъ вѣдати належало, симъ нашимъ унѣверсаломъ ознаймуемъ, ижъ п. Демянъ Григоріевичъ, бурмистръ Стародубовскій, жалобне ускаржался намъ, гетманови, на п. Петра Корецкого, товарища войскового, же онъ, Демянъ, прошлаго року подчасъ весни, усмотривши мѣстце старинными людьми заведенное и нѣкому не пенное, до занатія греблѣ и построенія млина способное на рѣчцѣ Милушѣ, у Повословскомъ борку, в пустомъ листѣ найдуючоеса, и хотячи тамъ тое зачати дѣло, крижъ забилъ; а помянутій п. Корецкій удавши рѣчь свою иначей, одержалъ на тосяжъ